



**Հ Հ Ե Ր Ե Վ Ա Ն Ք Ա Ղ Ա Ք Ի Ա Ռ Ա Ջ Ի Ն Ա Տ Յ Ա Ն Ի Ը Ն Դ Հ Ա Ն Ո Ւ Ր
Ի Ր Ա Վ Ա Ս Ո Ւ Թ Յ Ա Ն Ք Ա Ղ Ա Ք Ա Ց Ի Ա Կ Ա Ն Դ Ա Տ Ա Ր Ա Ն Ի
Ո Ր Ո Շ Ո Ւ Մ**

**Հ Ա Յ Ց Ա Դ Ի Ս Ո Ւ Մ Ը Վ Ա Ր Ո Ւ Յ Թ Ը Ն Դ Ո Ւ Ն Ե Լ Ո Ւ Ե Վ
Պ Ա Տ Ա Ս Խ Ա Ն Ո Ղ Ի Ց
Ա Պ Ա Ց Ո Ւ Յ Ց Ն Ե Ր Պ Ա Հ Ա Ն Ջ Ե Լ Ո Ւ Մ Ա Ս Ի Ն**

12-ը հ ու լ ն ի ս ի 2023թ .

ք .Երևան

Երևան քաղաքի առաջին ատյանի ընդհանուր իրավասու թյան քաղաքացիական դատարանը /դատավոր Ա. Մկրտչյան/, ուսումնասիրելով «Խաչ պար» ՍՊ ընկերության կողմից ներկայացված հայցադիմումն ընդդեմ «Գյուլմրուկ բժշկական կենտրոն» ՓԲ ընկերության՝ ԳԲԿ-ԳՀԱՊԶԲ-23/20 ընթացակարգի մրցույթի գնահատող հանձնաժողովին գնանշման հարցման ընթացակարգը հրավերի 3,4,5և 6չ արտադրողներին մասերով չկայացած հայտարարելու մասին որոշումը ընդունելու և պարտավորեցնելու պահանջի մասին

Պ Ա Ր Ձ Ե Ց

Հայցադիմումը ներկայացվել և դատավոր Ա.Մկրտչյանին մակագրվել է 07.06.2023թ., 08.06.2023թ. հանձնվել դատավորի աշխատակազմին:

Դատարանն արձանագրում է, որ հայցադիմումը վարույթ ընդունելը մերժելու կամ վերադարձնելու հիմքերը բացակայում են, ուստի հայցադիմումը պետք է ընդունել վարույթ:

ՀՀ քաղաքացիական դատավարության օրենսգրքի 234.5 հոդվածի 2-րդ մասի համաձայն՝ գնումների հետկապված վեճերը քննվում և լուծվում են հայցադիմումը վարույթ ընդունելուց հետո՝ երեսուներկու օրվա ընթացքում: Դատարանի պատճառաբանված որոշմամբ սույն մասով նախատեսված ժամկետը կարող է երկարաձգվել մեկ անգամ՝ մինչև տասն օրացուցային օրով:

Նույն օրենսգրքի 234.6 հոդվածի 2-րդ մասի համաձայն՝ հայցադիմումը վարույթ ընդունելու հետմիաժամանակ դատարանը կայացնում է որոշում՝ պատասխանողից տվյալ գնման գործընթացի հետկապված պատասխանողի տիրապետման տակ գտնվող բոլոր ապացույցները պահանջելու մասին:

Նույն օրենսգրքի 234.8-րդ հոդվածի 1-ին մասի համաձայն՝ գործին մասնակցող անձինք և նրանց ներկայացուցիչները դատական նիստի ժամանակի և վայրի, ինչպես նաև սույն օրենսգրքով նախատեսված դեպքերում առանձին դատավարական գործողություններ կատարելու մասին ծանուցվում են էլեկտրոնային հաղորդակցության միջոցով ծանուցագրերը և այլ փաստաթղթեր սույն օրենսգրքի 97-րդ հոդվածով սահմանված կարգով հայցադիմումում նշված էլեկտրոնային փոստին ուղարկելու եղանակով:

Հայցվորի կողմից ներկայացվել է միջնորդություն՝ գործը դատական նիստում քննելու մասին, որով հայցվորը նշել է, որ հայցադիմումով վիճարկվող ապրանքների տեխնիկական բնութագրերը «Գնումների մասին» ՀՀ օրենքի 13-րդ հոդվածի 5-րդ մասին համապատասխան կազմված չլինելու փաստերը, որոնք հանգեցնում են նույն օրենքի 7-րդ հոդվածի 1-ին մասի պահանջի խախտմանը, և որոնց բովանդակային ներկայացնելը գրավոր ընթացակարգով ամբողջական չի կարող լինել, ուստի անհրաժեշտ է գործը քննել դատական նիստում:

Նույն օրենսգրքի 234.9-րդ հոդվածի 1-ին մասի համաձայն՝ Դատարանը սույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ դատարանը գործին մասնակցող անձի միջնորդությամբ կամ իր նախաձեռնությամբ եկել է եզրահանգման, որ անհրաժեշտ է գործը քննել դատական նիստում:

Վերոգրյալից հետևում է, որ գործը դատական նիստում քննելու համար որոշում կայացնելը Դատարանի հայեցողական լիազորությունն է, որը սակայն ինքնանպատակ չէ. Դատարանը նման որոշման կարող է հանգել սեփական նախաձեռնությամբ՝ գործի ուսումնասիրության արդյունքում, ինչպես նաև գործին մասնակցող անձի միջնորդությամբ: Միջնորդությունը պետք է պարունակի այնպիսի հիմնավորող փաստարկներ, որոնք Դատարանի հիմք կտան գալու գործը դատական նիստում քննելու եզրահանգման:

Դատարանը գործը դատական նիստում քննելու մասին հայցվորի միջնորդության քննարկման արդյունքում գտնում է, որ դրանում նշված հիմնավորումները բավարար չեն գործը դատական նիստում քննելու անհրաժեշտության մասին եզրահանգում կատարելու մասին:

Դատարանը նման եզրահանգման գալիս է՝ հաշվի առնելով, որ հայցվորի կողմից ներկայացված հայցադիմումը և կից փաստաթղթերը բավարար են գործի լրիվ և բազմակողմանի քննությանն իրականացնելու համար, իսկ գրավոր ընթացակարգով փաստարկները բովանդակային ներկայացնելու ոչ ամբողջական լինելու մասին հայցվորի դիտարկումը համոզիչ չէ և չի

պարունակում այնպիսի հիմքեր, որոնց հիման վրա
Դատարանը կկարողանար հանգել համապատասխան
եզրակացություն:

Ղեկավարվելով ՀՀ քաղաքացիական դատավարության
օրենսգրքի 124-րդ, 125-րդ, 234.5-րդ, 234.6-րդ, 234.8-րդ, 188-րդ, 199-րդ, 200-
րդ հոդվածներով, Դատարանը

Ո Ր Ո Շ Ե Ց

Հայ ցաղիմումն ընդունել վարույթ, եզրափակիչ
դատական ակտի հրապարկման օրսահմանել 2023թ. հունիսի
25-ը:

Կողմերի ծանուցումն իրականացնել էլեկտրոնային
հաղորդակցության միջոցով՝ հայ ցաղիմումն ընդունելով
էլեկտրոնային փոստի հասցեներին ուղարկելու
եղանակով:

Պատասխանող «Գյումրու բժշկական կենտրոն» ՓԲ
ընկերությունից պահանջել որոշումն ստանալու
օրվանից հնգօրյա ժամկետում Դատարանին
ներկայացնել ԳԲԿ-ԳՀԱՊԶԲ-23/20 ծածկագրով գնման
գործընթացի՝ իր տիրապետության ներքո բոլոր
ապացույցները:

Որոշումն ուժի մեջ է մտնում ընդունման պահից և
բողոքարկման ենթակա է:

Դ Ա Տ Ա Վ Ո Ր

Ա.ՄԿՐՏՉՅԱՆ